

三經同卷

轉有經

女四

文殊師利巡行經

文殊尸利行經

轉有經

元魏三藏法師佛陀扇多譯

如是我聞一時婆伽婆住王舍城迦蘭陀竹林大比丘衆之所圍遶一千二百五十人俱菩薩摩訶薩無量無邊

尔時摩伽陀王頻婆娑羅出王舍城往至迦

蘭陀竹林住處到佛所已頭面禮足遶佛三匝却坐一面尔時如來知頻婆娑羅王坐一面已告言大王譬如有人於睡夢中共彼女寶行於欲事彼人覺已憶彼女寶大王於意云何夢中女寶爲是有不王即答言不也世尊復問王言大王於意云何彼人若執夢中

女者是黠慧不王即答言不也世尊何以故彼夢中女畢竟無故云何而有境界欲事彼人徒勞佛言大王如是一切愚癡凡夫以不曾聞佛正法故眼見諸色悅豫於心即執爲實以執著故則有繫縛以繫縛故則有染著以染著故則生貪欲瞋癡等業若身若口若意等業然彼身業所作即滅滅已不依東方而住如是不依南西北方上下而住隨命終時轉彼有識而現後心大王彼識不壞隨業盡處彼業能現亦如睡夢覺時女寶如是大王最後滅識而生後識或在地獄或在餓鬼或在畜生或阿脩羅或人或天彼最後識取最後生識順彼生如是心識隨業所受然無有法從此世間至彼世間而受生也大王滅後識心是名爲滅是初心識如託生者是彼後生大王轉後識時彼法實不從彼處來而至於此初識生已亦無所至何以故法性相故大王最初識心是後識空業是業空生是

生空最初心識是初識空所生之處是生處

生而於彼處不失業果大王最後生識於彼

即滅後不斷心識心順行隨在何處所受業

報即往受故尔時世尊而說偈言

善逝後說時 所有諸言語 皆是假名說

假名想住故 離於言語法 而無有可說

隨所有言說 而說彼諸法 彼不生於彼

法眼見無色 所言見色者 世間執著故

說世法為實 無而和合見 是如來所說

是名方便地 若為真實說 眼則不見色

意不知諸法 此是最秘密 世間我慢說

名本空無名 一切法無名 而以假名說

說此法門時頻婆娑羅王及諸大衆人天龍

神軋闍婆等聞佛所說皆大歡喜信受奉行

轉有經

轉有經

大宋國壽州府華亭縣白砂鄉十九保鵝窠塘水西居住奉

佛弟子康德同妻沈氏四娘發心施財買文會日恭入

轉有經二卷 功德連悼 七娘康十五郎 七娘葉氏十四娘子先考康細八郎

先妣陸氏十九娘子 七丈人沈六六郎 七丈人母翁氏三十九娘子眾寬超昇

佛土仍異陰力匡扶家口安康求大吉祥者 日暮緣僧 志園等 題

佛說文殊師利巡行經

元魏三藏法師菩提留支譯

如是我聞一時婆伽婆住王舍城耆闍崛山

中與大比丘衆五百人俱尔時世尊於日晡

時從自房出在外寬處大衆圍遶恭敬供養

而為說法

尔時文殊師利童子於彼一切五百比丘行

住之處次第巡行遂到長老舍利弗所見長

老舍利弗獨在一處端身而坐入禪思惟尔

時文殊師利童子既見長老舍利弗已而語

之言大德舍利弗汝入禪耶長老舍利弗言

如是文殊師利

轉有同

文殊師利言大德舍利弗為未寂靜欲令寂

靜汝入禪耶為先寂靜何所寂靜汝入禪耶

大德舍利弗汝依何禪為依過去為依未來

為依現在為依內外汝入禪耶又舍利弗為

依身禪為依心禪長老舍利弗言文殊師利

我此禪義諸有一切見法樂行諸有一切心

我此禪義諸有一切見法樂行諸有一切心